

## КАНОН ВОСКРЕСНЫЙ, ГЛАС 7:

### Песнь 1.

**Ирмос:** Манием Твоим/ на земный образ преложися,/ прежде удоборазливаемое/ водное естество Господи:/ темже немокренно пешешествовав Израиль,// поет Тебе песнь победную.

**Катавасия:** Отверзу уста моя,/ и наполнятся Духа,/ и слово отрыгну Царице Матери,/ и явлюся светло торжествуя,// и воспою радуясь Тоя чудеса.

### Песнь 3.

**Ирмос:** В начале небеса/ всеильным словом твоим утвердей Господи Спасе,/ и вседетельным и Божиим Духом всю силу их,// на недвижимем мя камени исповедания Твоего утверди.

**Катавасия:** Твоя песнословцы, Богородице,/ живой и независтный источник,/ лик себе совокупльшия, духовно утверди:/ в Божественней Твоей славе// венцев славы сподоби.

### Песнь 4.

**Ирмос:** Отча недра не оставль,/ и сошед на землю Христе Боже,/ тайну услышах смотрения Твоего,// и прославих Тя едине Человеколюбче.

**Катавасия:** Седяй в славе,/ на престоле Божества,/ во облаце легце/ прииде Иисус Пребожественный,/ нетленную дланию,/ и спасе зовущия:// слава, Христе, силе Твоей.

### Песнь 5.

**Ирмос:** Нощь не светла неверным Христе,/ верным же просвещение в сладости словес Твоих:/ сего ради к Тебе утренюю,// и воспеваю Твое Божество.

**Катавасия:** Ужасошася всяческая/ о Божественной славе  
Твоей:/ Ты бо, Неискусобращная Дѣво,/ имела еси во  
утробе над всеми Бѳга/ и родила еси безлетнаго Сына,/  
всѣм воспевающим Тѳ// мѳр подавающая.

### Песнь 6.

**Ирмос:** Плавающего в молве житейских попечений,/ с ко-  
раблѣм потопляема грехи,/ и душетлѣнному зверю приме-  
таема,/ яко Иона Христе, вопиу Тѳ:// из смертоносныя  
глубины возведи мя.

**Катавасия:** Божественное сие и всечестное/ совершающе  
празднество,/ богомудрии, Богоматере/, приидите, ру-  
ками восплѣщим,// от Нея рождшагося Бѳга славим.

### Песнь 7.

**Ирмос:** Пещь отроцы огнепальну/ дрѣвле росоточащу по-  
казаша,/ единого Бога воспевающе, и глаголюще:// пре-  
возносимый отцев Бог, и препрославлен.

**Катавасия:** Не послужиша твари богомудрии/ паче Соз-  
давшего,/ но огненное прещение мужески поправше,/ ра-  
довахуся поюще:// препетый отцев Господь и Бѳг благо-  
словен еси.

### Песнь 8.

**Ирмос:** Неопальная огню в Синаи причащшаяся купина,/  
Бѳга яви медленоязычному и гугнивому Моисѣови,/ и  
отроки ревность Бѳжия/ трѳ непреборимыя во огни певцы  
показа:/ вся дела Господня Господа пойте,// и превозно-  
сите во вся вѣки.

**Катавасия:** Отроки благочестивыя в пещи́/ Рождество Богородино спасло есть;/ тогда убо образуемое,/ ныне же действуемое,/ вселенную всю воздвизает пѣти Тебе:/ Гóспода пойте дела// и превозносите Егó во вся веки.

## ПЕСНЬ ПРЕСВЯТОЙ БОГОРОДИЦЫ

1. Величит душа Моя Господа,/ и возрадовася дух Мой о Бозе Спасе моем.  
Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.
2. Яко призре на смирение рабы Своея,/ се бо от ныне ублажат Мя вси роди. Честнейшую Херувим:
3. Яко сотвори Мне величие Сильный,/ и свято имя Его, и милость Его в роды родов боящимся Его. Честнейшую Херувим:
4. Сотвори державу мышцею Своею:/ расточи гордыя мыслию сердца их. Честнейшую Херувим:
5. Низложи сильныя со престол и вознесе смиренныя;/ алчущия исполни благ и богатыяся отпусти тщи. Честнейшую Херувим:
6. Восприят Израиля отрока Своего, помянути милости,/ якоже глагола ко отцем нашим, Аврааму и семени его, даже до века. Честнейшую Херувим:

### Песнь 9.

**Ирмос:** Нетлѣния искушением рóждшая,/ и всехитрецу́ слову плоть взаимода́вшая,/ Мати неискусомужная Дево Богорóдице:/ приятелище нестерпíмаго,/ село невместимаго зиждíтеля Твоегó,// Тя велича́ем.

**Катавасия:** Всяк земнорóдный/ да възиграется, Духом просвещаемь,/ да торжествует же безплотных умóв естество́,/ почитающее священное торжество́ Богомáтере,/ и да вопи́ет:/ радуйся, Всеблажѣнная// Богородице, Чíстая Приснодево.

## НА ХВАЛИТЕХ СТИХИРЫ ВОСКРЕСНЫ, ГЛАС 7:

**1. Стих:** Сотворити в них суд написан:/ слава сия будет всём препода́бным Его.

**В**оскрéсе Христос из мёртвых,/ разрушь смертныя úзы:/ благо-  
вести́ земле, радость véлию, // пойте небеса Бóжию сла́ву.

**2. Стих:** Хвалите Бога во святых Его, хвалите Его во утверждении си-  
лы Его.

**В**оскресéние Христово вíдевшие,/ поклонímся Святому Господу  
Иисúсу:// Единому Безгрешному.

**3. Стих:** Хвалите Его на силах Его, хвалите Его по множеству вели-  
чества Его.

Христову воскреснию кланяющесе не престаем: Той бо спасл есть нас от беззаконий наших, Святы́й Господь Иисус, явлей воскресение.

**4. Стих:** Хвалите Его во гласе трубнем, хвалите Его во псалтири и гуслех.

**Что** воздамы Господеви о всех, яже воздаде нам? нас ради Бог в человецех, за истлевшее естество слово плоть бысть, и вселися в ны, к неблагодарным, Благодетель: к пленником, Свободитель: ко иже во тьме сидящим, солнце правды: на кресте, безстрастный: во аде, свет: в смерти, живот: воскресение, падших ради. К Немуже возопиим: Боже наш, слава Тебе.

### Ины стихиры анатолиевы, глас тойже.

**5. Стих:** Хвалите Его в тимпане и лице, хвалите Его во струнах и органе.

**В**рата адова сокрушил еси Господи, и смертную державу упразднил еси крепкою силою Твоею, и совоздвигл еси мертвыя, иже от века во тьме спящия, божественным и славным воскресением твоим, яко царь всех и Бог всемогущ.

**6. Стих:** Хвалите Его в кимвалех доброгласных, хвалите Его в кимвалех восклицания: всякое дыхание да хвалит Господа.

**Приидите** возрадуемся Господеви, и возвеселимся о воскреснии Его, яко совоздвиже мертвыя от адовых нерешимых уз: и дарова мирови яко Бог жизнь вечную, и велию милость.

**7. Стих:** воскресни Господи Боже мой, да вознесется рука Твоя, не забуди убогих Твоих до конца.

**Блистайся** ангел, на камени сидяше живоприемнаго гроба, и женам мироносицам благовествоваше, глаголя: воскресе Господь, якоже прежде рече вам, возвестите учеником Его, яко предваряет вы в галилеи: мирови же подает жизнь вечную, и велию милость.

**8. Стих:** Исповемся Тебе Господи всем сердцем моим, повем вся чудеса Твоя.

**Почто** небрегома сотвористе камене краеугольнаго. О пребеззаконнии иудеи? се Той есть, Егоже положи Бог в Сионе: Иже из камене источник в пустыни воду, и нам источаяй от ребр своих Безсмертие. Сей есть камень, иже от горы девическия отсекся без хотения мужеска: Сын Человечь грядый на облацех небесных, к ветхому днёми, якоже рече Даниил, и вечно Его царство.

**Слава, стихира евангельская.**

**И ныне, Богородичен:** Препоблагословенна еси:

**Славословие великое.**

**Таже тропарь воскресен, глас 7:**

**Днесь** спасение миру бысть,/ поем воскресшему из гроба,/ и Начальнику жизни нашей:/ разрушив бо смертию смерть, // победу даде нам, и велию милость.

**И ектении, и отпуст.**